


正編

卷一

一起周威烈王二十三年
至秦二世皇帝三年

通鑑
肇
要





通鑑肇要目錄 正編

第一卷

起戊寅周威烈王二十三年
盡甲午秦二世皇帝三年

第二卷

起乙未楚義帝西楚霸王漢高
帝元年盡辛酉漢高后八年

第三卷

起壬戌漢文帝元年盡
甲午漢武帝後元二年

第四卷

起乙未漢昭帝始元元年
盡甲申淮陽王二年

第五卷

起乙酉漢光武帝建武元年
盡乙亥漢明帝永平十八年

第六卷

起丙子漢章帝建初元年
盡己巳漢靈帝中平六年

第七卷

起庚午漢獻帝初平元年盡
甲申魏咸熙吳元興元年

第八卷

起乙酉晉武帝泰始元
年盡丙子晉愍帝四年

第九卷

起丁丑晉元帝建武元年
盡庚申晉恭帝元熙二年

第十卷

起辛酉宋武帝永初二年
盡丙子梁敬帝太元二年

第十一卷

起丁丑陳武帝永定元年
盡丁丑隋恭帝義寧元年

第十二卷

起戊寅唐高祖武德元年
己酉唐太宗貞觀二十三年

第十三卷

起癸丑唐高宗永徽四年
盡壬子唐睿宗太極元年

第十四卷

起癸丑唐元宗開元元年盡
丙申唐玄宗天寶十五載

第十五卷

起丁酉唐肅宗至德二載盡
甲申唐德宗興元二十年

第十六卷

起乙酉唐順宗永貞元年
盡甲辰唐穆宗長慶四年

第十七卷

起乙巳唐敬宗寶歷元年盡
癸巳唐懿宗咸通十四年

第十八卷

起甲午唐僖宗乾符元年
盡丙寅唐昭宗天祐三年

第十九卷

起丁卯梁太祖開平元年
年盡己未周恭帝元年

通鑑纂要正編目錄

通鑑學要卷一

正編

姚培謙平山

雲間

張景星二銘

同錄

同學傅王露園林參閱

威烈王

名午考王子在位二十四年

戊寅二十三年初命晉大夫魏斯趙籍韓虔
爲諸侯

魏文侯名斯桓子之孫以卜子夏田子
方爲師每過段干木之廬必式賢士多
歸之子擊逢子方於道下車伏謁子方
不爲禮擊怒謂子方曰富貴者驕人乎
貧賤者驕人乎子方曰富貴者安敢驕
人諸侯驕人則失其國大夫驕人則失
其家嘗與虞人期獵是日飲酒樂天雨
將出左右止之文侯曰吾與虞人期獵
雖樂安可不一會期哉乃往身白罷之
卜相謂李克曰家貧則思良妻國亂則
思良相魏成翟璜二子何如對曰居視
其所親富視其所與達視其所舉窮視
其所不爲貧視其所不取五者足以定
之矣文侯曰寡人之相定矣乃以成爲

相齊伐魯魯欲以衛人吳起爲將起取
齊女魯人疑之起殺妻以求將大破齊
師或謂起母死不奔喪又殺妻以求將
殘忍薄行人也起恐聞文侯賢往歸之
文侯以爲將擊秦拔五城起爲將與士
卒同勞苦卒有病疽者起爲吮之卒母
聞而哭曰往年吳公吮其父其父戰不
還踵死於敵今又吮其子妾不知其死
所矣。魏今河南開封府斯與周同姓
畢公高裔。趙烈侯籍襄子之孫好音
謂相國公仲連曰寡人有愛可以貴之
乎連曰富之可貴之則否烈侯曰然鄭
歌者槍石二人吾賜之田人萬畝連諾
而不與烈侯屢問連稱疾不朝番吾君

謂連曰君實好善而未知所持公仲亦有進士乎連曰未也曰牛畜荀欣徐越皆可連進之畜侍以仁義烈侯適然明日欣侍以舉賢使能明日越侍以節財儉用察度功德所與無不充烈侯說乃謂連曰歌者之田且止○趙今北直廣平府與秦共祖造父後槍石二人名○韓今河南南陽府與周同姓武子後厥為晉卿八世生康子虎虎孫虔是為景侯

安王

名驕威烈王子在位二十六年

申五年盜殺韓相俠累

嚴仲子事韓侯與韓相俠累有能聞齊人聶政勇以黃金百鎰爲政母壽欲因以報讐政曰老母在政身未敢以許人及母卒政往見仲子仲子使刺累累方坐府上兵衛甚嚴政直入刺之累走因自皮面抉眼屠腸而死韓取政尸暴於市購問莫能識縣購千金久之莫知也政姊螢聞而往哭之曰是軹深井里聶政也妾奈何畏沒身之誅終沒賢弟之名亦自殺於尸下○仲子名遂俠累國策作韓傀皮面抉眼刺其面皮出其眼睛令人不識也螢一作嬰

甲午十五年魏吳起奔楚楚以爲相

魏武侯浮於西河稱河山之險吳起曰
在德不在險君不修德舟中之人盡爲
敵國也魏相田文起不悅謂之曰將三
軍使士卒樂死子孰與起治百官親萬
民實府庫子孰與起守西河秦兵不敢
東鄉韓趙實從子孰與起三者子皆出
吾下而位加吾上何也文曰主少國疑
大臣未附百姓不信方是之時屬之子
乎屬之我乎起默然良久曰屬之子矣
後武侯疑之起遂奔楚楚悼王任之爲
相南平百越北卻三晉西伐秦諸侯皆
患楚之彊而楚貴戚大臣多怨起悼王
卒攻殺之

乙未十六年初命齊大夫田和爲諸侯和恒會孫

初田和遷其君貸於海上既而求爲諸侯王許之貸卒無子田氏遂并齊

烈王各喜安王子在位七年

辛亥六年齊侯封卽墨大夫烹阿大夫

齊威王名卽墨大夫語之曰子居卽墨毀言日至及視卽墨田野闢人民給官無事東方以寧是子不事吾左右以求助也封之萬家名阿大夫語曰子守阿譽言日至及視阿田野不闢人民貧餒是子厚幣事吾左右以求譽也是日烹

阿大夫及左右嘗譽者於是羣臣莫敢飾詐齊國大治

顯王

名扁烈王弟在位四十八年

庚申八年衛公孫鞅入秦

秦孝公不得與中國會盟發憤修政欲以彊秦令國中曰賓客羣臣有能出奇計彊秦者吾且尊官與之分土鞅聞之入秦鞅衛之庶孫也好刑名之學事魏相公叔痤痤病魏惠王往問之因曰痤之中庶子衛鞅年雖少有奇才願君舉國而聽之君卽不用必殺之無令出境王許諾而去公叔召鞅謝曰吾先君而

後臣故先爲君謀後以告子子必速行
鞅曰君不能用子之言任臣又安能用
子之言殺臣乎鞅至秦因嬖臣景監以
求見說以富國彊兵之術孝公大悅與
議國
事

戊壬
十年秦以衛鞅爲左庶長定變法之令

衛鞅欲變法秦人不悅鞅言於孝公曰
夫民不可與慮始而可與樂成論至德
者不和於俗成大功者不謀於衆是以
聖人苟可以彊國不法其故公曰善遂
定變法之令恐民不信乃立三丈之木
於國都市南門募民有能徙置北門者

予五十金有一人徙之輒予五十金乃
下令太子犯法鞅曰法之不行自上犯
之太子君嗣也不可施刑刑其傅公子
虔黜其師公孫賈於是秦人皆趨令

丙寅十四年齊魏會田于郊

魏惠王問齊威王曰齊亦有寶乎威王
曰無有惠王曰寡人國雖小而有徑寸
之珠照車前後各十二乘者十枚豈以
齊大國而無寶乎威王曰寡人之寶與
王異吾臣檀子守南城則楚人不敢爲
寇泗上盼子守高唐則趙人不敢漁于
阿黔夫守徐州則燕人祭北門趙人祭
西門徙而從者七十餘家有種首者使

備盜賊則道不拾遺此四臣者將照千里豈特十二乘哉惠王慚。祭門燕趙畏齊侵伐故祭以求福

戊辰十六年齊伐魏以救趙

初孫臏與龐涓俱學兵法涓事魏自以能不及臏乃陰使召臏臏至則斷其兩足而黥之使終身廢棄齊使者竊載以歸齊將田忌進之威王魏伐趙威王使忌為將而臏為師居輜車中坐為計謀大破魏軍

庚午十八年韓以申不害為相

不害之學本於黃老而主刑名著書二篇號曰申子韓昭侯用爲相內修政教外應諸侯終申子之身國治兵彊昭侯有傲袴命藏之侍者曰君亦不仁者矣不賜左右而藏之昭侯曰吾聞明主愛一嚔一笑嚔有爲嚔笑有爲笑今袴豈特嚔笑哉吾必待有功者

乙亥二十三年衛服屬三晉

時三晉彊盛衛如小侯屬之初子思言苟變於衛侯曰其材可將五百乘衛侯曰變嘗爲吏賦於民而食人二雞子子思曰聖人官人猶匠之用木取其所長

棄其所短。今君以二卵棄千城。之將此。不可使聞於隣國也。衛侯言計非是。而羣臣和者。如出一口。子思曰。君之國事。將日非矣。君出言自以爲是。卿大夫莫敢矯其非。卿大夫出言自以爲是。士庶人莫敢矯其非。君臣旣自賢矣。而羣下同聲賢之。賢之則順。而有福。矯之則逆。而有禍。如此。則善安從生。

庚辰二十八年。魏伐韓。齊伐魏。以救韓。殺其將龐涓。虜太子申。

魏使龐涓伐韓。韓請救於齊。齊使田忌將孫臏爲師。以救韓。直走魏都。涓聞之。

去韓而歸魏大發兵使太子申將以禦
齊師臧以魏素輕齊乃使齊軍入魏地
爲十萬竈明日爲五萬竈又明日爲二
萬竈涓大喜曰吾固知齊軍怯入吾地
三日士卒亡者過半矣乃倍日併行逐
之臧度其行暮當至馬陵斫大樹白而
書之曰龐涓死此樹下令萬弩夾道而
伏期曰暮見火舉而俱發涓果夜至見
白書以火燭之讀未畢萬弩俱發魏師
大亂涓自頸曰遂成豎子之名齊因乘
勝大破魏師虜太子申○竈者軍
士炊爨之具滅之以示士死亡

癸未三十一
年秦人誅衛鞅滅其家

初秦使鞅將兵伐魏大破魏師還封之
商於十五邑號爲商君商君用法嚴酷
嘗臨渭論囚渭水盡赤相秦十年人多
怨之孝公卒公子虔之徒告鞅欲反發
吏捕之鞅亡至闕下欲舍客舍舍人曰
商君之法舍人無驗者坐之鞅歎曰爲
法之弊一至此哉去之魏魏
人內之秦惠王車裂以殉

戊子
三十六年燕趙韓魏齊楚合從以擯秦
以蘇秦爲從約長并相六國

洛陽人蘇秦說秦惠王以兼天下之術
不用乃去說燕文公曰燕之所以不被

兵者以趙爲之蔽其南也。願王與趙從親，則燕必無患矣。從之。說趙肅侯曰：「秦不敢伐趙者，畏韓魏之議其後也。若一韓魏齊楚燕趙爲從，親以擯秦，相約秦攻一國，五國各出銳師以撓秦，或救之，有不如約者，五國共伐之，則秦甲必不敢出函谷以害山東矣。肅侯大悅，厚賜賚之，以約於諸侯。說韓魏齊楚亦許之。於是，以秦爲從約長，并相六國。初，秦說秦不用大困而歸妻，不下絰，嫪不爲炊。父母不與言，父相六國，北報趙王，路過洛陽，昆弟妻嫪側目，不敢仰視。秦笑謂嫪曰：「何前倨而後恭也？」嫪曰：「見季子位高金多。」秦曰：「人生世上，勢位富厚，蓋可。」

忽乎哉使我有負郭田二頃豈
能佩六國相印乎○季子秦字

己丑三十七年秦以齊魏之師伐趙蘇秦去

趙適燕從約皆解

秦使公孫衍欺齊魏與其伐趙欲敗從
約齊魏伐趙趙肅侯讓秦秦恐請使燕
必報齊秦去趙而從約皆解

癸巳四十一年秦客卿張儀伐魏取蒲陽旣
而歸之魏盡入上郡以謝秦以儀爲相

魏人張儀與蘇秦俱事鬼谷學從橫之術秦恐秦伐趙而收從約乃召儀而辱之以激怒儀儀念諸侯獨秦能苦趙遂入秦秦陰遣其舍人齎金幣資儀儀得見秦王秦王說之以爲客卿舍人辭去曰蘇君憂秦伐趙敗從約以爲非君莫能得秦柄故激怒君使臣陰奉給君資盡蘇君之計謀儀曰嗟乎此吾在衛中而不悟吾不及蘇君明矣爲吾謝蘇君蘇君之時儀何敢言至是將兵伐魏取蒲陽言於秦王請復以與魏而使公子繇質焉儀因說魏王曰秦之遇魏甚厚魏不可無禮於秦魏因盡入上郡十五縣以謝儀歸而相秦○鬼谷姓王名詡

丁酉四十五年蘇秦自燕奔齊

秦通於燕文公之夫人恐得罪乃說燕
易王曰臣居燕不能使燕重而在齊則
燕重王許之乃偽得罪於燕而奔齊齊
宣王以爲客卿秦說齊王高宮室大苑
囿以明得意欲以敝齊而爲燕其後齊
大夫多與秦爭寵使人刺秦秦且死謂
齊王曰王車裂臣以徇於市則城必
得如其言殺秦者果自出齊王誅之

戊戌四十六年秦相張儀免出相魏

秦詐免儀相使歸相魏欲令魏先事秦
而諸侯效之魏王不聽秦怒伐魏取二

邑復陰厚儀益甚儀
慙無以歸報留魏

庚子四十八年齊號薛公田文為孟嘗君

初齊王封田嬰於薛號曰靖郭君嬰賤
妾之子曰文側儻饒智略說靖郭君以
散財養士靖郭君使文主家待賓客賓
客爭譽其美請以文為嗣嬰卒文嗣立
號孟嘗君廣招遊士食
客嘗數千人名重天下

慎靚王名定顯王子
在位七年

甲辰四年魏請成于秦張儀歸復相秦

儀說魏襄王曰今親兄弟同父母尚有爭錢財相殺傷而欲恃反覆蘇秦之餘謀其不可成亦明矣魏王乃倍從約因儀以請成於秦儀歸復相秦

乙巳五年秦伐蜀取之

巴蜀相攻俱告急于秦司馬錯請惠王起兵伐蜀取之秦益富強

燕君噲以國讓其相子之

燕相子之與蘇秦之弟代昏欲得燕權代使齊歸燕王問曰齊王其霸乎對曰不能不信其臣於是燕王專任子之鹿毛壽謂王曰人謂堯賢者以其能讓天

下也。今王以國讓子之，是王與堯同名也。燕王因屬國於子之。屬音燭，付也。

赧王

名延慎，魏王。子在位五十九年。

丁未元年，齊伐燕，取之。

燕子之爲王三年，國內大亂。齊王使章子伐燕，燕士卒不戰，城門不閉。齊人取子之醢之，遂殺故燕君噲。

戊申二年，楚屈匄伐秦。

秦欲伐齊，患其與楚從親，乃使張儀說楚懷王，閉關絕約於齊，請獻商於之地。

六百里懷王許之羣臣皆賀陳軫獨弔
曰秦之所以重楚以其有齊也今絕齊
則楚孤秦奚貪夫孤國與之六百里地
哉儀至秦必負王是王北絕齊交而西
生患於秦也懷王曰願子閉口毋復言
乃厚賜儀而閉關絕約於齊使一將軍
隨儀至秦儀佯墮車不朝楚王聞之曰
儀以寡人絕齊未甚耶北罵齊王齊王
大怒折節事秦齊秦之交合儀乃朝見
楚使者曰臣有奉邑六里願以獻王使
者還報楚王大怒欲發兵攻秦軫曰軫
可發口言乎攻之不如割地以賂秦與
之并兵而攻齊是我亡地於秦而取償
於齊也王不聽使屈匄擊秦秦齊共攻

楚斬首八萬殺屈匄遂取漢中楚復襲秦又大敗於藍田楚割兩城以和

己酉三年燕人立太子平爲君

燕人共立平是爲昭王昭王卑身厚幣欲得賢士共國以雪先王之耻郭隗曰古人有以千金求千里馬者馬已死涓人買其骨五百金而返君怒涓人曰死馬且買之況生者乎不期年千里馬至者三今王欲致士先從隗始昭王爲隗改築宮而師事之於是樂毅鄒衍劇辛皆往士爭趨燕○涓潔也主居中潔除人之

庚戌四年秦使張儀說楚韓齊趙燕連衡以
事秦秦君卒諸侯復合從

秦要楚欲得黔中地以武關外易之楚
王曰不願易地願得張儀而獻黔中儀
請行秦王曰楚且甘心於子儀曰臣善
其左右靳尚尚得事楚王幸姬鄭袖袖
言無不從者遂往楚王囚儀欲殺之儀
教尚謂袖曰秦王甚愛張儀將以六縣
及美女贖之王重地尊秦秦女必貴而
夫人必斥矣於是袖日夜泣於楚王曰
臣各爲其主耳今殺儀秦必大怒妾請
子母俱遷江南毋爲秦所魚肉也王乃

赦儀厚禮之儀因說楚王曰夫爲從者
無異於驅羣羊而攻猛虎不格明矣請
令秦楚長爲兄弟之國楚王許之去楚
說韓說齊說趙說燕皆許事秦儀歸報
未至而惠王薨子武王立武王自爲太
子時不悅儀諸侯聞之皆畔衡復合從
儀復出相
魏一歲卒

癸丑七年秦甘茂伐韓宜陽拔之

秦使甘茂伐韓茂曰魯人有與曾參同
姓名者殺人人告其母母織自若也及
三人告之其母投杼下機踰牆而走臣
之賢不若曾參王之信臣不如其母疑

臣者非特三人臣恐大王之投杼也秦
王乃與盟於息壤茂攻宜陽五月不援
穰里子公孫奭果爭之秦王欲罷兵茂
曰息壤在彼秦王起兵佐茂遂拔宜陽
王十六年秦伐楚取八城遂誘楚君槐子
武關執之以歸楚人立太子橫

秦昭王遺書誘楚懷王會武關面結盟
昭雖屈平曰秦虎狼之國不可信王稚
子子蘭勸王行王入武關秦伏兵絕其
後畱懷王楚立太子橫爲王○屈原名
平楚同姓爲懷王左徒博聞彊志明於
治亂王甚任之上官大夫譏之王疏平

平憂愁幽思而作離騷以冀王之一寤
而王終不寤也其後子蘭又譖之於頃
襄王王怒遷之江南平
懷石自投汨羅以死

癸亥十七年齊田文自秦逃歸

文齊宣王姪父嬰卒代立于薛秦昭王
聘爲相或說昭王曰文相秦必先齊而
後秦秦其危矣昭王囚文欲殺之文使
人求解于王之幸姬姬欲得其狐白裘
而文先以獻於昭王矣客有善爲狗盜
者夜爲狗入秦宮藏中盜裘以獻姬爲
言於王而釋之文得出卽馳去夜半至
函谷關昭王後悔追之關法雞鳴乃出

客時尚早追者將至客有能爲雞鳴而
雞盡鳴遂出文還與韓魏攻秦敗秦軍
秦割河東
三城以和

趙君封弟勝爲平原君

勝好士食客嘗數千人有公孫龍者善
爲堅白同異之辯孔子玄孫穿與龍論
臧三耳龍甚辯析穿曰謂三耳甚難而
實非也兩耳甚易而實是也勝謂龍曰
公無復與孔子高辯事其人理勝於辭
公辭勝於理辭勝於理終必受訕。公
孫龍嘗著守白論堅白卽守白堅執其
說而守之同異合異以爲同也奴曰臧

三耳者兩耳形也兼聽而言可得爲三子高穿字

乙亥二十九年齊滅宋

宋有雀生鱗史占之曰吉小而生巨必霸天下康王喜起兵滅滕敗齊楚魏取地數百里欲霸之亟成射天笞地斬社稷而焚滅之爲長夜之飲於室中室中人呼萬歲則堂上之人應之堂下之人應之門外之人又應之至於國中無敢不呼者天下謂之桀宋齊伐之王走死溫。雀小鳥鱗鵠屬一作鸛

丁丑三十一年燕上將軍樂毅以秦魏韓趙

之師伐齊齊君出走其相淖齒弑之下齊
七十餘城燕封毅爲昌國君

齊湣王滅宋而驕燕昭王使毅爲上將
軍約秦魏韓趙之師伐齊湣王走莒楚
使淖齒將兵救齊因爲齊相齒欲與燕
分齊地遂弑湣王毅聞畫邑人王蠋賢
令軍中環畫邑三十里無入使人請蠋
蠋曰忠臣不事二君烈女不更二夫齊
主不用吾諫國破君亡吾不能存而又
欲劫之以兵與其不義而生不若死遂
自經死毅禁侵掠禮逸民寬賦歛除暴
令修舊政齊民喜悅六月之間下齊七

通鑑纂要卷三
十餘城燕封

毅爲昌國君

戊寅三十二年齊人討殺淖齒而立其君之
子法章保莒城

淖齒之亂淖王子法章變名姓爲莒太
師敫家傭敫女奇法章狀貌憐而竊衣
食之與之通淖王從者王孫賈失王處
而歸其母曰汝朝出晚來則吾倚門而
望暮出不還則吾倚閭而望汝事王王
走不知其處尚何歸焉賈乃入市呼曰
淖齒亂齊國殺淖王欲與吾誅之者祖
右市人從者四百人攻齒殺之立法章

爲王保昌城以拒燕
○敷音皎備僱作也

趙使藺相如獻璧于秦

趙得楚和氏璧秦王請易以十五城藺
相如曰臣願奉璧而往城不入請完璧
而歸王遣之相如至秦既獻璧視秦王
無意償城乃給取璧遣從者懷之間行
歸趙而以身符命于秦秦王賢而歸之
○卜和得璞于楚山中獻之楚王以爲
石而刖其足和抱玉泣王
使玉人破之得寶給欺也

庚辰三十四年楚謀入寇王使東周公喻止

之

楚欲圖周王使東周武公謂楚令尹昭
子曰西周之地不過百里而名爲天下
共主裂其地不足以肥國得其衆不足
以勁兵而攻之者名爲弑君然而猶有
欲攻之者見祭器在焉夫虎肉臊而兵
利身人猶攻之若使澤中之麋蒙虎之
皮人之攻之必萬倍矣今子欲誅殘天
下之共主居三代之傳器器南則兵至
矣於是楚計不行。祭器九鼎也此器
自禹鑄之傳于周故曰三代傳器虎以
爪牙爲兵利於防身而人
欲攻之以皮之所在也

王三十六年秦趙會于澠池

秦趙會於澠池酒酣秦王請趙王鼓瑟
趙王鼓之藺相如請秦王擊缶秦王不
肯相如曰五步之內臣請得以頸血濺
大王矣左右欲刃相如相如張目叱之
左右皆靡秦王爲一擊缶趙王歸以相
如爲上卿位在廉頗右頗曰我有攻城
野戰之功相如徒以口舌位加我上我
必辱之相如聞每避頗其舍人皆以爲
耻相如曰以秦之威而相如廷叱之獨
畏廉將軍哉顧吾念之秦所以不敢加
兵於趙者以吾兩人在也今兩虎共鬪
勢不俱生吾所以爲此者先國家之急

而後私讐也。頻聞之肉袒負荆謝罪。遂
爲刎頸交。缶盛酒瓦器。秦俗擊之以

節樂

燕君平卒。樂毅奔趙。田單襲破燕軍。盡復
齊地。齊君入臨淄。封單爲安平君。趙封樂
毅爲望諸君。

毅圍卽墨。宮二邑三年猶未下。或讒於
昭王曰。毅呼吸之間克七十餘城。今不
下兩城者。欲久仗兵威以服齊人。南面
而王耳。昭王置酒大會。引言者斬之。還

國相立毅爲齊王毅惶恐不受拜書以死自誓昭王薨惠王立田單乃縱反間曰齊人惟恐他將來卽墨殘矣惠王使騎劫代將毅奔趙單乃收城中牛千餘束兵乃於其角灌脂束葦於其尾鑿城數十穴夜縱牛燒葦端壯士五千人隨之牛執怒奔燕軍所觸盡死傷燕軍大敗追亡逐北齊七十餘城皆復焉乃迎襄王於莒入臨淄王以太史敫之女爲后太史敫曰女不媒自嫁汚吾世終身不見君王后君王后亦不以不見故失人子之禮○趙王與毅謀伐燕毅泣曰臣疇昔之事昭王猶今日之事大王若復得罪在他國終身不敢謀趙之奴隸

況于孫乎趙王乃封毅於觀津號望諸君燕王恐趙用之以乘其敝乃使人讓毅且謝之曰將軍捐燕歸趙自爲計則可矣而何以報先王所以遇將軍之意乎毅報書曰免身立功以明先王之迹臣之上計也罹毀辱之誹謗墮先王之名臣之大恐也臨不側之罪以幸爲利義之所不敢出也古君子交絕不出惡聲忠臣去國不潔其名臣雖不佞數奉教於君子矣燕復以毅子閒爲昌國君而毅往來復通燕後卒於趙○灌脂束葦縛束葦草于牛尾以脂油灌之也幸免也

薛公田文卒

初文好客有馮驩彈其劍而歌曰長鋏歸來乎食無魚遷之幸舍食有魚又歌曰長鋏歸來乎出無輿遷之代舍出有輿後使收債於薛貧不能與息者驩取券燒之齊廢文客皆去驩說齊王復文相位文欲辱諸客驩曰富貴多士貧賤寡交事之固然也文遇客如故文卒謚爲孟嘗君諸子爭立齊魏共滅薛。幸舍代舍及傳舍上中下三等客所舍之名

戊子四十二年趙魏伐韓秦救之大破其軍

魏割南陽以和

魏議割南陽予秦以和蘇代曰以地事秦猶抱薪救火薪不盡火不滅王不聽

辛卯四十五年秦以范雎爲客卿

魏人范雎嘗從中大夫須賈使齊襄王聞其辯口賜雎金賈疑雎以國陰事告齊歸告其相魏齊齊怒笞擊雎折脇摺齒雎佯死卷以簣置廁中賓客醉者更溺雎雎告守者得出更姓名曰張祿秦謁者王稽使魏載與俱歸薦之昭王王見之離宮雎佯爲不知永巷而入其中王來宦者逐之曰王至雎謬曰秦安得

王獨有太后穰侯耳王聞乃屏左右而請教唯唯者三王曰先生卒不幸教寡人耶唯曰臣羈旅之臣也交疎於王而所願陳者皆匡君之事處人骨肉之間願教愚忠而未知王之心此所以王三問而不敢對也王跪曰事無大小願先生悉以教寡人唯見左右多竊聽者先言外事以觀王之俯仰曰以秦國之勇以治諸侯譬若馳韓盧而搏蹇兔也王如遠交而近攻得寸則王之寸得尺則王之尺夫韓魏中國之處而天下之樞也王欲霸必親中國爲天下樞以威楚趙則齊附而韓魏因可虜矣王曰善乃以唯爲客卿○韓盧犬名喻秦彊

也天下樞猶言出入往來必由之處

乙未四十九年秦君廢其母遂魏冉以范雎爲丞相封應侯

雎說昭王廢太后遂穰侯雎既相秦秦號曰張祿而魏不知魏使須賈於秦雎聞之爲微行敝衣間步見賈賈驚曰范叔一寒如此哉乃取一綈袍以賜之賈入相府雎盛陳帷帳見之賈頓首謝罪雎曰汝罪有三然所以得無死者以綈袍戀戀有故人之意爲我告魏王急持魏齊頭來不然我且屠大梁賈歸告齊

齊走趙匿平原
君所。綈厚繪

辛丑五十五年秦白起坑趙卒四十萬

秦伐韓上黨守馮亭以其地歸趙平陽
君豹曰此欲嫁禍於趙也不如弗受平
原君請受之秦使王齕攻上黨拔之上
黨民走趙齕因伐趙趙將堅壁不出秦
相應侯使人反問曰秦獨畏馬服君之
子括爲將耳趙王遂以括代頗將藺相
如曰王以名使括括徒能讀其父書傳
不知合變也括母亦上書言括不可使
王弗聽秦乃陰使起爲上將而齕爲裨
將令軍中弗泄括至軍悉更約束出兵

擊秦起佯敗走張二奇兵以劫之括乘勝追造秦壁壁堅拒不得入而秦奇兵絕其後趙軍食絕四十六日括自出搏戰秦射殺之卒四十萬人皆降起挾詐盡坑之遺其小者二百四十人歸趙

癸卯五十七年秦伐趙趙公子勝如楚乞師

楚黃歇帥師救趙

秦攻趙邯鄲趙使勝求救於楚勝約門下客文武備具者二十人偕得十九人餘無可取者毛遂願備員而行勝曰夫賢士處世譬若錐之處囊中其末立見

今先生未有所聞也。遂曰：臣乃今日請處囊中耳。使遂蚤得處囊中，乃脫穎而出，非特其末見而已。勝與遂偕至楚，與楚王言，合從利害，久不決，遂按劍歷階而上，曰：從之利害，兩言決耳。今日出而言，日中不決，何也？且以楚之彊，爲白起、小豎子所挫，合從者爲楚非爲趙也。楚王曰：唯唯。遂奉銅盤跪進之。楚王曰：王當歃血而定從。次，吾君次。遂手招十九人相與歃血於堂下。曰：公等錄錄，所謂因人成事者也。楚乃使歇將兵救趙。勝歸曰：不敢復相天下士矣。○歇、楚相考烈王封爲春申君，穎雖芒也。

魏晉鄙帥師救趙次于鄴公子無忌襲殺
鄙奪其軍以進大破秦軍

魏使鄙救趙秦王使謂魏曰趙旦暮且
下救者必移兵擊之魏王恐止鄙壁鄴
又使將軍新垣衍說趙王欲共尊秦爲
帝以卻其兵魯仲連聞之往見衍曰彼
秦者棄禮義而上首功之國也卽肆然
而爲帝則連有蹈東海而死耳且秦無
已而帝行大子號令奪其所憎而與其
所愛梁王安得晏然乎衍再拜曰吾乃
今知先生天下士也不敢復言帝秦矣
初魏公子無忌仁而下士食客三千人

魏有隱士侯嬴年七十家貧爲大梁夷門監者無忌置酒大會賓客坐定無忌自迎侯生引之上坐賓客皆驚及秦圍趙趙平原君夫人無忌姊也讓魏救不至無忌數請魏王王不聽嬴曰吾聞晉鄙兵符在王臥內如姬最幸力能竊之公子嘗爲如姬報其父讐如姬欲爲公子死無所辭無忌如其言得兵符嬴曰將在外君令有所不受臣客朱亥力士可與俱鄙不聽使擊之至鄴鄙合符果疑之亥椎殺鄙無忌將兵而進大破秦軍無忌竟留趙平原君欲封魯仲連連不受乃以千金爲壽連笑曰所貴於天下士者爲人排患釋難解紛亂而無取

也卽有取者是商賈之事連不忍爲也
遂辭去○無忌魏昭王少子封信陵君
秦法斬一人首賜
爵一級符信也

申辰五十八年秦太子之子異人自趙逃歸

秦太子妃華陽夫人無子夏姬生子異
人質於趙因不得意陽翟大賈呂不韋
見之曰此奇貨可居乃請以千金爲子
西遊立子爲嗣異人曰必如君策秦國
與子共之不韋乃買奇物玩好西游秦
求見華陽夫人姊而以其物獻華陽夫
人因使其姊說曰吾聞以色事人者色
衰而愛弛今蚤自結子諸子中賢孝者

舉立以爲適而子之百歲後所子者王
終不失執今異人賢誠以此時拔以爲
適夫人則竟世有寵於秦矣華陽夫人
以爲然承間言之太子許之因請不韋
爲之傳不韋娶邯鄲姬絕好者與居知
其有身異人見而請之不韋佯怒旣而
獻之至大期時生子政秦圍邯鄲急趙
欲殺異人不韋行金予守吏得脫亡赴
秦軍遂得歸。異人一名楚居蓄積也
以異人方財貨言可居蓄以乘時射利

乙五十九年秦伐韓趙王命諸侯討之秦
遂入寇王入秦盡獻其地歸而卒

丙午周民東亡秦取其寶器遷西周公於囂

狐聚

庚戌趙公子勝卒

東周君見前編考王下在位七年

辛亥東周君六年秦孝文王杵即位三口而薨于楚立燕拔聊城

齊伐取之

燕將攻齊聊城拔之或譖之燕孝王燕將保聊城不敢歸齊田單攻之歲餘不

下魯仲連乃爲書約之矢以射城中燕將見書泣三日遂自殺單克聊城齊王欲爵仲連仲連逃之海上曰吾與富貴而詘於人寧貧賤而輕世肆志焉

壬子

東周君七年秦莊襄王楚元年

秦以呂不韋爲相國

封文信侯○秦滅東周遷其君於陽人聚

甲寅秦伐魏魏公子無忌率五國師敗之

蒙驁帥師伐魏魏王使人請無忌於趙無忌畏罪不肯還客毛公薛公曰公子所以重於諸侯者以有魏也今魏急而公子不恤一旦夷先王之宗廟公子何

面目立天下乎語未畢無忌趣駕還魏
魏王以爲上將軍諸侯聞之皆遣兵救
魏無忌率五國之師敗驚於河外追至
函谷關秦兵不敢出時無忌威振天下
秦王患之乃行金萬斤於魏令毀無忌
魏王聞毀果使人代將無忌乃謝病不
朝與賓客爲長夜飲多
近婦女竟病酒而卒

秦紀

姓嬴氏非子後都咸陽凡三君
得年四十○咸陽今隸陝西

始皇帝

名政實姓呂氏爲王二
十五年卽帝位十二年

丙辰

年二趙王丹薨廉頗奔魏

趙使廉頗伐魏孝成王薨悼襄王立使武襄君樂乘代頗頗遂奔魏魏不能用趙師數困於秦思復得頗使使視頗尚可用否頗仇郭開與使者金令毀之頗見使者一飯斗米肉十斤被甲上馬以示可用使者還報曰廉將軍尚善飯然與臣坐頃之三遺矢矣遂不召。矢糞也言坐不久而大便不禁者三

丁巳

三年趙悼襄王偃元年

趙復用李牧備匈奴

李牧趙北邊良將也居代鴈門匈奴入盜頗爲奇陳大破之殺十餘萬騎單于奔走十餘載不敢近趙邊。單于匈奴天子之號

戊午四年冬十月秦蝗疫令民納粟拜爵

癸亥九年韓王安元年秋九月秦嫪音勞毐音藹作亂

伏誅夷三族秦王遷其太后於雍

初秦王年少太后與呂不韋私通恐事覺乃以舍人嫪毐詐爲宦者進之生二子事覺誅毐遷太后於雍殺其二子諫而死者二十七人齊客茅焦請諫王怒趣召鑊欲烹之焦徐行至前曰陛下車裂假父囊撲二弟遷母於雍殘戮諫士桀紂之行不至於是令天下聞之盡瓦解無嚮秦者臣竊爲陛下危之言已乃

解衣伏質王下殿手接之爵以上卿迎
太后歸。嫪毐姓名囊撲以囊盛其人
投擲而擊殺之質机
類伏於質上受烹也

楚王完薨盜殺黃歇

楚考烈王無子趙人李園進其妹於歇
既有娠園使妹說歇曰楚王無子卽百
歲後將更立兄弟君安得常保此寵乎
今妾有娠而人莫知君進妾於王賴天
而有男則是君之子爲王也楚國盡可
得歇大然之乃出之謹舍而言諸王王
召幸之遂生男立爲太子園妹爲后園
亦貴用事恐歇泄其語陰養死士欲殺

歇以滅口王薨園伏死士於棘門之內
刺殺歇園女弟所生子遂立是爲幽王

甲子

十年楚幽王懼元年

冬十月秦大索逐客客卿

李斯上書名復故官遂除其令

秦議逐客客卿李斯亦在逐中上書曰
昔穆公取由余於戎得百里奚於宛迎
蹇叔於宋求丕豹公孫支於晉并國二
十遂霸西戎孝公用商鞅諸侯親服惠
王用張儀散六國從使之事秦昭王得
范雎彊公室杜私門此四君者皆以客
之功由此觀之客何負於秦哉今乃卻
賓客以業諸侯此所謂藉寇兵而齎盜

糧者也乃召斯復其官除逐客令○藉
借也謂以兵借寇齎遺也謂為盜齎糧

丙寅

十二年趙幽
繆王遷元年

秦呂不韋徙蜀自殺

戊辰

十四年

韓遣使稱藩于秦

韓諸公子非善刑名法術之學見韓削
弱數以書干韓王不用非作孤憤五蠹
說難等篇至是王使納地效璽於秦
因說秦王未用李斯潛之下吏自殺

甲戌

二十年楚王負芻薨
王假代王嘉元年

燕太子丹使盜

劫秦王不克秦遂擊破燕代兵進圍薊

初丹嘗質於秦秦王不禮焉丹怒亡歸
欲報秦王使衛人荊軻挾燕督亢地圖
入秦軻至咸陽見秦王奉圖以進圖窮
而匕首見把秦王袖而撻之環柱而走
秦王拔劍擊軻斷其左股軻罵曰事所
以不成者欲生劫以報太子也遂體解
以徇王怒發兵攻燕圍薊拔之燕斬丹
以獻於秦。督亢燕之美地秦救之燕
丹故使軻賣圖以進匕首
列及撻擊也徇示衆也

庚辰二十六年秦初并天下更號皇帝

辛未十七年滅韓癸酉十九年滅趙丙
子二十二年滅魏戊寅二十四年滅楚

已卯二十五年滅燕。是年滅齊。齊后勝
爲相。與賓客多受秦間金。不脩戰備。王
賁攻齊。民莫敢格。齊王建遂降。處之松
柏之間。餓而死。秦王自以爲德過三皇。
功高五帝。乃更號曰皇帝。命爲制。令爲
詔。自稱曰朕。制曰死。而以行爲謚。是子
議父。臣議君也。自今除謚法。朕爲始皇。
帝。後世以計數。二世三世至於萬世。傳
之無窮。定爲水德。衣服旌旂皆尚黑。以
建亥月爲歲首。除拜遺議曰命布告
中外曰令。朕我也。

自此專作帝稱

分天下爲三十六郡。銷兵器。一法度。徙豪

傑于咸陽

丞相王綰等請立諸子爲王。李斯曰：周封同姓甚衆，後相攻擊，天子弗能禁。今海內賴陛下神靈一統，皆爲郡縣，天下無異意，則安寧之術也。置諸侯不便。始皇是其議，分天下爲三十六郡，郡置守尉監，更名民曰黔首。收天下兵聚咸陽，銷以爲鐘鐻，金人十二，置宮庭中。一法度衡石丈尺，徙天下豪富於咸陽十二萬戶。○守郡守尉丞尉監御史掌監郡。金人號曰翁仲。

壬午二十八年帝東巡上鄒嶧山立石頌功

業封泰山下禪梁父遂登瑯琊遣徐市入海求神仙渡淮浮江至南郡而還

帝自泰山下風雨暴至休於樹下因封其樹爲五大夫齊人徐市等言海中有三神山名曰蓬萊方丈瀛洲仙人居之於是遣市發童男女數千人入海求仙人船交海中皆以風爲解曰未能至望見之焉始皇還過彭城欲出周鼎泗水使千人没水求之弗得乃西南渡淮浮江至湘山祠逢大風幾不能渡使刑徒伐湘山樹赭其山○增土曰封除地曰禪赭以火燒之也

癸未二十九年帝東遊至陽武韓人張良狙擊誤中副車令天下大索十日不得

初韓人張良五世相韓韓亡良欲爲韓報仇令力士操鐵椎狙擊始皇博浪沙中誤中副車始皇驚求弗得令天下大索十日○狙伏伺也

丙戌三十二年帝巡北邊遣蒙恬伐匈奴

初始皇使盧生求羨門子高還奏錄圖書曰亡秦者胡也乃巡北邊發兵三十萬伐匈奴收河南地爲四十四縣築長城起臨洮至遼東延袤萬餘里○圖書

符識之書胡爲胡亥
延長也南北日衰

戊子三十四年燒詩書百家語

李斯言諸生不師今而學古聞令下則
各以其學議之入則心非出則巷議臣
請史官非秦記皆燒之偶語詩書者棄
市所不去者醫藥卜筮種樹之書有欲
學法令以吏
爲師制曰可

己丑三十五年營朝宮作前殿阿房

始皇以咸陽宮小乃營作前殿阿房東
西五百步南北五十丈上可坐萬人下

可建五丈旗役隱宮徒刑者七十餘萬人。阿曲也言殿之四阿皆爲房宮。刑隱於蔭室養之故曰隱宮。徒奴役也以罪供徭役。

阮諸生四百六十餘人使長子扶蘇監蒙

恬軍

侯生盧生相與譏議始皇。始皇使御史按問諸生。諸生傳相告引乃自除犯禁者四百六十餘人皆阮之。長子扶蘇諫曰諸生皆誦法孔子今重法繩之臣恐天下不安。始皇怒使北監蒙恬軍于上郡。告引告訴牽引也。除簡別也。

辛卯三十七年冬十月帝東巡秋七月至沙邱崩丞相李斯宦者趙高矯遺詔立少子胡亥爲太子殺扶蘇蒙恬還至咸陽胡亥襲位

二世皇帝

名胡亥始皇子
在位二年

二世謂趙高曰人生世間譬猶騁六驥過決隙吾欲悉耳目之所好窮心志之所樂以終我年壽可乎高曰盡除先帝之故臣更置陛下所親信則高枕肆志

寵樂矣。二世曰：善。乃行誅大臣及諸公子。決音缺。

壬辰元年秋七月，楚人陳勝、吳廣起兵于蕲。

勝，陽城人，字涉。廣，陽夏人，字叔。涉少時嘗與人傭耕隴上，曰：苟富貴，無相忘。傭者笑曰：若爲傭耕，何富貴？涉曰：燕雀安知鴻鵠之志哉？王侯將相寧有種乎？與廣起兵，攻蕲，蕲下，自立爲王，號張楚。郡縣若秦法，爭殺長吏，應之。

八月，楚將武臣至趙，自立爲趙王。

九月，楚人劉邦起兵于沛，自立爲沛公。

沛人劉邦字季隆。準龍顏。有大度。不事
家。人生產作業。初爲泗水亭長。爲縣送
徒驪山。到豐西。解縱所送徒曰。公等皆
去。吾亦從此逝矣。季被酒。夜經澤中。有
大蛇當徑。拔劍斬之。後人來至蛇所。有
老嫗夜哭曰。吾子白帝子也。化爲蛇。當
道。今赤帝子斬之。嫗忽不見。所居上常
有雲氣。陳勝起。斬沛令。欲應之。掾主吏
蕭何曹參曰。君爲秦吏。今欲背之。恐子
弟不聽。願召諸亡在外者。以劫衆。乃令
樊噲召季季衆已數十百人矣。令悔閉
城。季書帛射城上。遺沛父老。爲陳利害。
父老乃率子弟殺令。迎季立爲沛
公。旗幟皆尚赤。○隆。高也。準。鼻也。

楚人項梁起兵於吳

項梁下邳人。楚將項燕子也。嘗殺人。與兄子籍避讐吳中。籍字羽。長八尺餘。力能扛鼎。才氣過人。嘗曰。書足以記名姓而已。劍一人敵。不足學。當學萬人敵。會稽守殷通欲應陳涉。使梁將。梁使籍斬通。舉吳中兵。收下縣。得精兵八千人。自爲會稽守。以籍爲裨將。

齊人田儋略齊地自立爲齊王。趙將韓廣略燕地自立爲燕王。楚將周市立魏

公子咎爲魏王而相之

癸巳二年冬十一月趙將李良弒其君武臣

○秦益遣兵擊楚臘月楚莊賈御弒其君

勝降秦呂臣勝故渭人討賈誅之復以陳爲楚

春正月趙將張耳陳餘立趙歇爲王

沛公以張良爲廐將

良聚少年百餘人至霸道遇沛公屬焉
良數以太公兵法說沛公沛公常用其

策良曰沛公殆天授遂從不去

夏六月項梁立楚懷王孫心爲楚懷王韓公子成爲韓王

居鄭人范增年七十好奇計說梁立楚後梁乃立楚懷王孫心張良說梁立韓公子成益樹黨梁立以爲韓王

秋七月秦下右丞相馮去疾左丞相李斯吏去疾自殺腰斬斯夷三族以趙高爲中

丞相

二世數誚讓斯居三公位如何令盜如此斯懼乃阿二世意以書對曰惟明主能督之以獨斷於上羣臣百姓救過不給何足之敢圖二世悅於是行督責益嚴郎中令趙高恃恩專恣恐大臣奏事言之乃說二世曰天子所以貴者但以間聲羣臣莫得見其面陛下深拱禁中與臣及侍中習法者待事來揆之則大臣不敢奏疑事天下稱聖主矣二世乃不坐朝廷事皆決於高高譖斯曰沙邱之謀丞相與焉今陛下爲帝其意亦望裂地而王且其長男由守三川與盜通

二世使人按驗三川守與盜通狀斯又與去疾進諫曰羣盜並起皆以戍漕轉作事苦賦稅大也請且止阿房宮作者減四邊戍轉二世曰君不能禁盜又欲罷先帝所爲下吏按罪去疾自殺斯自負其辯有功無反心乃就獄二世屬高治之責與由反狀具斯五刑論腰斬咸陽市斯顧謂其中子曰吾欲與若復牽黃犬俱山上蔡東門逐狡兔豈可得乎遂父子相哭而夷三族拜高爲中丞相○戍征戍漕水運轉陸運作役作也

章邯擊趙圍趙王于鉅鹿楚以宋義爲上

將軍救之

秦章邯破定陶項梁死乃北擊趙趙請救于楚楚王以義爲上將軍項羽爲次將范增爲末將救趙諸別將皆屬義號爲卿子冠軍。卿子謂卿之子褒尊之辭上將故言冠軍

楚遣沛公伐秦

初楚懷王與諸將約先入定關中者王之是時秦兵強諸將莫利先入關獨項籍怨秦破梁軍願與沛公西入關諸將曰籍慄悍猾賊所過無不殘滅不可遣

沛公寬大長者可遣乃遣沛公。
懷疾悍勇好爲禍害而殘賊也。

甲午三年冬十一月楚次將項籍矯殺宋義而代之大破秦軍虜其將王離。

義至安陽畱四十六日不進籍勸義疾引兵渡河義不聽乃卽其帳中斬之引兵渡河沉舟破釜持三日糧以示士卒必死與秦軍遇九戰大破之章邯引却遂虜王離時諸侯軍救鉅鹿者十餘壁莫敢縱兵及楚擊秦皆從壁上觀楚戰士無不一以當十籍旣破秦軍召見諸侯將入轅門無不膝行而前莫敢仰視。

籍繇是始爲諸侯上將軍諸侯兵皆屬焉

春二月沛公使酈音歷食音異其音基說陳留下

之

沛公過高陽高陽人酈食其入謁沛公方偃牀使兩女子洗足食其不拜長揖曰足下必欲誅無道秦不宜偃見長者於是沛公起攝衣謝之延上坐問計食其曰足下兵不滿萬欲以徑入強秦此所謂探虎口者也夫陳留天下之衝又多積粟臣知其令今請使令下足下於是遣食其往沛公引兵隨之遂下陳留

號食其爲廣野君。
知相知也。下降也。

八月沛公入武關。趙高弑帝于望夷宮。立
子嬰爲王。九月子嬰討殺高夷三族。

初趙高欲專權。恐羣臣不聽。乃持鹿獻
於二世。曰：「馬也。」二世笑曰：「丞相誤耶？」問
左右。或默。或言鹿。高因中諸言鹿者以
法。後羣臣莫敢言其過。沛公攻屠武關。
高前數言關東盜無能爲。至是二世使
責高。高懼。乃使其婿閭樂發卒至宮殺
衛令。二世召左右皆惶擾不鬪。樂前數
二世曰：「足下驕恣。誅殺無道。天下皆畔。」


其自爲計二世自殺高立子嬰爲秦王
子嬰稱病不行高自往請子嬰遂刺殺
高夷
三族

通鑑學要卷一


通鑑纂要卷一

二

千嬰蘇決不許高自并精千嬰並具
其自蘇信江州自蘇高立千嬰並具







通鑑
臨手
要

DS

735

A2Y36

1761

v.1-2